

Sinoniem met die panoramiese Sederberge, die asemrowende Stadsaalgrotte wat jou op 'n verbeeldingstog neem en jou na 'n ander dimensie weglei, ongerepte Weskus natuurskoonheid, kaleidoskoop van Namakwalandse blommeprag, gasvryheid, weglê-etes en die luuksste busvervoer.

Avontuur na: **Kruger Nasionale Park**

Begin: Pretoria – Pretoria
Styl: Luukse busvervoer & Lodging
Verwysing: KNP 12
'n Basiese vlak van fiksheid is belangrik om die toer ten volle te geniet.



Is hierdie die regte toer vir u?

- Hierdie toer sluit 'n paar lang reisdade in.
- Suid-Afrika temperature in die somer kan tussen 34 - 38° C styg, maar dit kan net so koud raak.
- Wat ons op hierdie toer sien en wat ander mense gesien het of wat u op fotos gesien het is nie noodwendig dieselfde nie. Hierdie is 'n seisoenale area en migrasie patrone speel 'n groot rol.
- "The early bird catches the worm". Daar mag 'n paar vroeë oggende wees om die meeste van die verkeer te mis of om seker te maak dat ons die beste uit die dag kan put.
- Hierdie toer betaan hoofsaaklik uit verblyf in 2-4 ster fasiliteite wat die omgewing komplimenteer. Alle fasiliteite is vooraf besoek en met die hand uitgekies.
- Hierdie toer word uitgevoer in 'n luukse 22-sitplek 4x4-bus. Ons verkies om nie meer as 20 mense op 'n slag saam met ons te neem nie en daarom is enkelakkommodasie baie beperk. Kontak asseblief die kantoor om seker te maak of daar nog enkel plekke beskikbaar is.

2024 Tariewe	
Deeltarief (p.p.)	R23 000
Enkeltarief	R26 500

Betaal R6 000 p.p. deposito (binne 14 dae) na bevestiging, en die balans 30 dae voor toer vertrek.

Van 17/02 – 24/02 afslag van R2 000 per persoon.

Toer Datums: 2024		
KNP 12/2	Di. 02 April – Ma. 08 April 2024	Pretoria - Pretoria

Let wel: Indien u 'n geldige Wild Card besit, onthou om dit asseblief saam te bring.

Kruger Nasionale Park: PTA – PTA (12/2)

Dag 1: Pretoria - Graskop

Ons avontuur begin 5 uur die oggend by Town Lodge Menlyn Park soos beskryf in die besprekingsvorm (laaste bladsy van die dokument). Ons beplan om die N4 roete te volg via Dullstroom & Lydenburg. Ons reis oor die Long Tompas om teen die middag by Pilgrimsrus te wees. Verder reis ons deur die Panorama roete om by Graskop te oornag.

Maaltye ingesluit: Aandete

Dag 2: Graskop – Hoedspruit

Verder deur die Panorama roete besoek ons vandag hoogte punte soos die Drie Rondawels, God's Window en Bourkes Luck in die Blyderivier. Ons roete neem ons ook deur ander dele van hierdie mooi deel van ons land voor ons buite Hoedspruit gaan oornag vir 2 aande. As ons nog tyd het gaan ons ook 'n draai maak in die Kruger Nasionale Park.

Toegangs fooie ingesluit: Park fooie

Maaltye ingesluit: Ontbyt & aandete

Dag 3: Timbavati - Kruger Nasionale Park

Na ontbyt volg ons die pad na die Kruger Nasionale Park. Ons gaan verskeie paaie na watergate en rusoorde vat opsoek na die bekende groot 5, maar ook die klein dingetjies soek. Ons keer die middag weer terug na die Lodge

Maaltye ingesluit: Ontbyt & aandete

Dag 4, 5 & 6: Kruger Nasionale Park

In die oggend, na 'n heerlike ontbyt gaan ons in die park in waar ons 'n bietjie gaan kyk wat in hierdie deel van Suid-Afrika floreer. Ons maak verskillende stoppe by watergate om die diversiteit van wild lewe sowel as voël lewe te soek en af te neem. Ons oornag die volgende 3 aande in Malalane

Toegangs fooie ingesluit: Park fooie

Maaltye ingesluit: Ontbyt & aandete

Dag 7: Malalane - Pretoria

Ons vertrek na Pretoria. Ons volg die roete van die N4 verby Mbombela, Emalaheni en Bronkhorstspruit terug na Pretoria. Ons sal eers na Lanseria gaan vir die wat kies om die namiddag terug te keer na elders en ons laaste stop is weer terug by Town Lodge Menlo Park.

Belangrik om te weet:

- Enkel-akkommodasie is beskikbaar, maar daar is slegs 2 kamers beskikbaar op elke datum. Kontak asseblief eers ons kantoor voor u voortgaan met 'n enkel bespreking om seker te maak of daar 'n kamer beskikbaar is. Stuur gerus 'n e-pos na info@namakwatoere.com of bel die kantoor by +27 (0)27 219 1633.
- Stuur ook gerus 'n Whatsapp na +27 66 385 4653.
- Enkel kamers kan altyd na dubbel-akkommodasie verander word indien u iemand sou wou saamnooi. Geen administratiewe kostes sal gehêf word nie en slegs die dubbelfooi per persoon sal gehêf word. Die verskil tussen enkel- en dubbel-akkommodasie (indien reeds betaal) sal aan u terug betaal word.
- Wanneer u 'n vlug wil bespreek op dieselfde dag wat die toer klaarmaak, kontak asseblief die kantoor vir 'n tweede opinie oor die tyd wat u die vlug wil bespreek.
- Ons kantoor kan u ook help om die nodige vlugte, pendeldiens en hotelle te bespreek teen geen ekstra administratiewe koste nie. Neem asseblief kennis dat ons geen afslag kry op enige vlugte nie. Ons wil u net help om die proses so maklik as moontlik te maak.

Pad toestande en infrastruktuur:

Die paaie in en deur Afrika is baie keer in 'n swak toestand, wat dit baie swaar op ons voertuie maak. Ons het groot trots in ons voertuie en maak seker dat ons alles in ons vermoë doen om te verseker dat alles goed verloop. Maar ons kan ongelukkig nie alle situasies voorkom nie. Baie van die paaie wat ons ry is vol slaggate en nie juis die gemaklikste roetes nie. Dit beteken ook dat die reistyd soos aangedui slegs 'n aanduiding is en nie 'n gegewe nie. Ons weet dat dit kan vermoeiend raak, maar die paaie vat ons op die ou einde na ongelooflike plekke.

Medies & gesondheid:

Reisigers, oud en jonk word vereis om in goeie gesondheid te wees om ten volle aan die toer deel te neem. Ons verwag van alle toerlede om deeglik deur die program te lees en self te besluit of u kan deelneem in al die aktiwiteite soos genoem in die program. As ons toergids en bestuurder op enige stadium voel dat enige van ons toerlede nie meer kan deelneem aan 'n aktiwiteit nie, ons die reg volhou om u van die aktiwiteit en/of die res van die toer te verskoon sonder terugbetaling. Die nodige dokumente sal deur ons kantoor verskaf word om terug te eis van u reisversekering.

Ons versoek dat indien u oor die ouderdom van 75 is, u 'n mediese konsultant of dokter raadpleeg oor u reis na die spesifieke land/area. Ons stel ook voor dat elke toerlid sy/haar eie noodhulp kassie sal dra met die nodige voorraad soos 'rehydrate', ekstra lees brille, karsiek-medikasie en ook diaree-medikasie.

Drink WATER

As 'n reël aanvaar ons alle water wat uit 'n kraan kom as ondrinkbaar en gevaarlik vir menslike gebruik. Dit mag minerale en bakterieë bevat wat u maag nie aan gewoond is nie. Dit kan ernstige ontsteltens veroorsaak en tot siekte lei wat sonder twyfel u hele toer kan verwoes. Maak seker dat u 'n waterbottel tot u beskikking het deur die loop van die toer.

Hoekom saam met Namakwa Toere gaan toer?

Wie is Namakwa Toere en wat doen ons anders?

- Ons is 'n familiebesigheid en is reeds sedert 1985 in die toerbedryf.
- Ons toergidse is van die bekwaamste, hulpvaardigste en vriendelikste gidse wat u sal teëkom.
- Elke toerlid se persoonlike behoeftes vir 'n toer word persoonlik deur ons opgeleide personeel hanteer.
- Daar is geen gejaagde toerprogram nie! Ons busbestuurder is saam met u met vakansie en is nooit onder druk nie.

www.facebook.com/namakwatoere/namaquatours

Na elke toer word daardie spesiale toerfoto's op Facebook gelaai. Net nog 'n ekstra gratis diens wat Namakwa Toere aan ons toerlede bied!

Wat gebeur as Namakwa Toere die toer kanselleer?

- Die Toer is onderhewig aan 'n minimum van **10 persone** om plaas te vind.
- **Namakwa Toere** onderneem om sover dit moontlik is geen toer te kanselleer nie. Indien dit ooit sou gebeur dat ons 'n toer **moet** kanselleer, is ons bereid om al die geld wat u reeds betaal het, oor te dra na enige ander toer van u keuse of na die daaropvolgende jaar (**uitsluitend die nie-terugbetaalbare deposit en bankkoste**).

Hoe bespreek ek 'n toer by Namakwa Toere?

- Wanneer u besluit het om een van ons toere te bespreek, kan u een van twee maniere bespreek:
 1. Kontak ons gerus per e-pos, sms of telefonies. Ons skakel u terug en doen 'n telefoniese bespreking.
 2. Vul die besprekingsvorm in en e-pos die vorm vir ons kantoor by info@namakwatoere.com
- Die nodige sal dan deur ons gedoen word (hotel- en vlugbesprekings indien u dit so aangedui het). U sal 'n **toerverwysingsnommer** en Namakwa Toere se bankbesonderhede ontvang. Hierdie **toerverwysingsnommer** **moet** op u depositostrokie aangetoon word. Hierdie toerverwysingsnommer moet ook op alle korrespondensie gebruik word vir die toer wat u bespreek het.
- Ons verskaf nie bankbesonderhede sonder 'n besprekingsvorm nie. Die enigste rede hiervoor is dat toerlede in die verlede geld inbetaal sonder dat hulle 'n toerverwysingsnommer ontvang het, en dat hulle nie 'n bespreking per e-pos gedoen het nie. Dit het al gebeur dat voornemende toerlede geld inbetaal het, maar dat daardie spesifieke toer alreeds vol bespreek was.

Ons begin elke oggend voor ons ry met 'n gebed, en vertrou op die Here vir 'n veilige en sielsverrykende toer.

Vriendelike groete



Namakwa Toer span

Alle hotelbesprekings MOET deur Namakwa Toere gedoen word om hierdie tarief te betaal. NB: Ons neem GEEN kommissie op enige hotel- of vlugbesprekings nie!

	Town Lodge Menlo Park - Pretoria (2 **)	<i>Toer vertrek : 05:00</i>
Enkel	R1 320	
Dubbel/Twin	R1 495	
Ontbyt	Volledige ontbyt is ingesluit by die prys 07:00 - 10:00 (ontbytpakkies is beskikbaar op aanvraag)	
Etes	Beskikbaar op aanvraag	
Pendel Diens	Vanaf R600 per pendelrit (afhangende van ligging)	
Parkering	Gratis	
WiFi	Gratis	
Webtuiste	https://clhg.com/hotels/245/Town-Lodge-Menlo-Park	
Adres	50 Atterbury Road CNR of Clarinet Road Menlo Park - Pretoria	
Tel	+27 (0) 12 348 2711	

- **Vlugte - Kontak ons vir tariewe en tye – neem asseblief kennis dat ons nie beter tariewe kry vir vlugte nie.**



Namakwa
toere
Besprekingsvorm
TOERLID 1:

Van:..... Mnr./Mev./Mej. (Voorletters):.....
 Volle name – Soos aangebring op ID Noemnaam:.....
 Nooiensvan:.....
 ID-nr.: Telnr.:.....
 Woonarea:..... E-pos:.....
 Selnr.:.....

TOERLID 2:

Van:..... Mnr./Mev./Mej. (Voorletters):.....
 Volle name – Soos aangebring op ID Noemnaam:.....
 Nooiensvan:.....
 ID-no.: Telnr.:.....
 Woonarea:..... E-pos:.....
 Selnr.:.....

Toer Datum: **KNP 12/**.....

Akkommodasie gedurende toer: Enkel..... Dubbel..... Twin/deel (2 Beds).....

Moet ons help met vliegpreëlings?: Ja..... Nee.....

Vertrek vanaf lughawe:	Lughawe naam	Datum na bestemming:	
Terugvlug na lughawe:	Lughawe naam	Datum vanaf bestemming	

Moet ons help met hotelbesprekings?: Ja..... Nee.....

Datum: (**Voor** toer begin) Datum: (**Na** toer eindig)

Town Lodge – Menlyn - Pretoria

Tipe akkommodasie in die hotel in Pretoria:

Enkel..... Dubbel..... Twin.....

Moet ons help met pendelritreëlings in Pretoria?: Ja..... Nee.....

Indien u self u vlugbesprekings doen – bevestig asseblief u vlugbesonderhede vir ons aandag:

Toer opklimpunt:

Town Lodge – Menlyn 05:00

Handtekening:..... Datum:.....

Naasbestaande:..... Tel nr.: